

**FEDERALNO MINISTARSTVO ZDRAVSTVA****2221**

Na osnovu člana 105. stav 1. i člana 236. stav 1. alineja 17. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva, uz saglasnost federalnog ministra za obrazovanje i nauku, donosi

**PRAVILNIK****O UVJETIMA KOJE MORAJU ISPUNJAVATI  
BOLNICE ZA DODJELU NAZIVA UNIVERZITETSKA  
BOLNICA****I - OPĆE ODREDBE****Član 1.**

Ovim pravilnikom utvrđuju se uvjeti koje moraju ispunjavati bolnice za dodjelu naziva univerzitetska bolnica na teritoriji Federacije Bosne i Hercegovine (u daljem tekstu: Federacija).

**Član 2.**

Bolnice ili njihov dio koje izvode nastavu na osnovu nastavne potrebe fakulteta zdravstvenog usmjerenja (u daljem tekstu: fakultet) su: klinika, univerzitetsko-klinička bolnica, odnosno univerzitetsko-klinički centri (u daljnjem tekstu: univerzitetska bolnica).

Izuzetno od stava 1. ovog člana, dio nastave koji se odnosi na porodičnu medicinu, djelatnost službi u zajednici, javnog zdravstva, medicine rada, bolesti ovisnosti izvodi se u zavodima za javno zdravstvo, zavodima za medicinu rada, zavodima za bolesti ovisnosti i domovima zdravlja koji ispunjavaju uvjete propisane Zakonom o zdravstvenoj zaštiti ("Službene novine Federacije BiH", broj 46/10) (u daljem tekstu: Zakon).

**Član 3.**

Univerzitetska bolnica može biti samo ona zdravstvena ustanova koja:

- provodi vrhunski stručni rad u tercijarnoj zdravstvenoj zaštiti,
- kreira i izvodi dio nastavnog procesa na I i II ciklusu studija unutar implementacije Bolonjskog procesa za sticanje praktičnih znanja i vještina u organizacionim jedinicama grupacije medicinskih nauka javne visokoškolske ustanove, odnosno nastavna je baza fakulteta,
- ima postignute naučne i stručne rezultate u zemlji i inostranstvu u primjeni, praćenju, proučavanju i unapređenju registrirane djelatnosti za koju/koje obavlja nastavni proces,
- provodi naučno-istraživačku djelatnost u djelatnostima za koje je registrirana, odnosno u djelatnostima za koje obavlja nastavu,
- obavlja kontinuirane aktivnosti na unaprjeđenju institucionalnog i programskog osiguranja i upravljanja kvalitetom nastave i nastavnih funkcija, saglasno propisima o visokom obrazovanju,
- ima dokazanu saradnju sa uglednim ustanovama iste stručne oblasti u inostranstvu ili međunarodnim ustanovama kroz razmjenu stručnjaka, zajedničke programe, zajedničko osiguranje kvalitete, mobilnost stručnjaka, nastavnika i studenata, ili druge vidove saradnje,
- ima dokazanu kontinuiranu uspješnost u naučnom i stručnom radu realizacijom naučnih i stručnih projekata putem nadležnih državnih i federalnih ministarstava ili međunarodnih projekata,

- nastavi daje istaknuto mjesto u okviru svoje registrirane djelatnosti.

**Član 4.**

Opći uvjeti za izvođenje nastave u univerzitetskoj bolnici su:

- nastavna potreba za obrazovanjem zdravstvenih radnika visoke stručne spreme, odnosno obavljanje nastavnog procesa na I i II ciklusu studija,
- stručna djelatnost prema zahtjevima savremene medicine, stomatologije, farmacije,
- u sudski registar upisano obavljanje naučno-istraživačke djelatnosti i obavljanje djelatnosti u oblasti visokog obrazovanja,
- potreban prostor i oprema za nastavnu djelatnost prema zahtjevima za izvođenje nastave, i u skladu sa Odlukom o standardima i normativima za oblast visokog obrazovanja u Federaciji,
- medicinska biblioteka i bibliotekar u radnom odnosu i/ili dostupnost bazama podataka na internetu 24 sata dnevno.

Opći uvjeti za obavljanje nastave i naučno-istraživačke djelatnosti u univerzitetskim bolnicama određeni su propisima iz oblasti visokog obrazovanja, kao i propisima iz naučno-istraživačke djelatnosti.

**Član 5.**

Posebni uvjeti za izvođenje nastave u univerzitetskoj bolnici su:

- a) normiranje rada u nastavi:
  - pedagoški standardi o veličini nastavnih grupa za pojedine oblike nastave u odnosu na raspoloživi prostor određuju se u skladu sa propisima o visokom obrazovanju,
  - optimalan sastav nastavnih grupa prema kriterijima fakulteta.
- b) stručni uvjeti:
  - odgovarajući nivo stručnog rada, te uvezivanje stručnog i naučno-istraživačkog rada,
  - redovno stručno usavršavanje zdravstvenih radnika,
  - učestvovanje na stručnim i naučnim skupovima.
- c) kadrovski uvjeti:
  - visoko kvalificiran stručni kadar s najmanje dva doktora u naučno-nastavnom zvanju.

**Član 6.**

Univerzitetske bolnice koje ispunjavaju uvjete iz čl. 4. i 5. ovog pravilnika obavezne su:

- u svojim općim aktima uvjetovati izbor šefa klinike nastavnim zvanjem, kao i specijalizacijom iz djelatnosti klinike, te uvjetovati njegov reizbor svake četiri godine,
- osigurati uvjete zdravstvenim radnicima za specijalističko i postdiplomsko usavršavanje, naučni i nastavni rad,
- stimulirati stručne i naučne međunarodne kontakte, kroz seminare, simpozije, konferencije, razmjenu stručnih kadrova i sl.,
- organizirati i provoditi specijalističko i subspecijalističko usavršavanje zdravstvenih radnika.

Odredba stava 1. ovog člana, izuzev alineje jedan, shodno se primjenjuje i na nastavne zavode iz člana 2. stav 2. ovog pravilnika.

Nastavni zavod u svojim općim aktima uvjetuje izbor šefa organizacione jedinice specijalizacijom iz djelatnosti zavoda, sa



obavezom osiguranja najmanje dva doktora u naučno-nastavnom zvanju u djelatnostima za koje obavlja nastavu.

#### Član 7.

U univerzitetskim bolnicama organiziraju se klinike kao organizacione jedinice koje obavljaju najsloženije oblike zdravstvene zaštite iz specijalističko-konsultativnih i bolničkih zdravstvenih djelatnosti tercijarnog nivoa zdravstvene zaštite, stručno usavršavanje, izvođenje nastave na I i II ciklusu studija, kao i naučno-istraživački rad.

U bolnicama iz stava 1. ovog člana, u slučajevima kada se koordinira i objedinjava rad više klinika unutar jedne funkcionalne cjeline, može se organizirati klinički zavod, kao i instituti koji obavljaju najsloženije oblike zdravstvene zaštite iz više specijalnosti, odnosno subspecijalnosti, specijalističko usavršavanje, te koji se bave naučno-istraživačkim i istraživačko-razvojnim radom u različitim naučnim i stručnim oblastima saglasno propisima o zdravstvenoj zaštiti i propisima o naučno-istraživačkoj djelatnosti.

Ukoliko klinika ima pet zdravstvenih radnika u zvanju doktora nauka uposlenih u stalnom radnom odnosu, od čega su najmanje tri u zvanju nastavnika fakulteta za koji se obavlja nastava, ista se može organizirati kao institut iz stava 2. ovog člana.

Izuzetno, od stava 3. ovog člana, ukoliko više klinika ima pet zdravstvenih radnika u zvanju doktora nauka uposlenih u stalnom radnom odnosu, od čega su najmanje tri u zvanju nastavnika fakulteta za koji se obavlja nastava, iste se mogu organizirati kao institut iz stava 2. ovog člana.

Odredba ovog člana ne primjenjuje se na nastavne zavode iz člana 2. stav 2. ovog pravilnika.

#### Član 8.

Za obavljanje djelatnosti iz člana 2. ovog pravilnika klinika mora imati uposlen visoko kvalificiran stručni kadar u rangu specijalista, odnosno subspecijalista od kojih najmanje dva specijalista moraju imati nastavno zvanje redovnog profesora ili vanrednog profesora ili docenta na fakultetu za koji se bolnici dodjeljuje naziv univerzitetska.

Klinike u svom sastavu mogu organizirati odjeljenja, odsjeke, dnevne bolnice i poliklinike.

Odjeljenja, odsjeci, dnevne bolnice i poliklinike moraju ispunjavati uvjete predviđene Pravilnikom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama ("Službene novine Federacije BiH", broj 26/12).

Odredba ovog člana ne primjenjuje se na nastavne zavode iz člana 2. stav 2. ovog pravilnika.

## II - POSTUPAK DODJELE ODNOSNO UKIDANJA NAZIVA UNIVERZITETSKA BOLNICA

#### Član 9.

Bolnica može dobiti naziv univerzitetske bolnice koji dodjeljuje javni univerzitet, na prijedlog Federalnoga ministarstva zdravstva (u daljem tekstu: Ministarstvo), a uz prethodno pribavljeno mišljenje fakulteta, ako se u bolnici provodi nastava u okviru univerzitetskog obrazovanja.

Nastava iz stava 1. ovog člana može se provoditi po prethodno pribavljenoj saglasnosti nadležnog ministra za obrazovanje i nauku i federalnog ministra zdravstva (u daljem tekstu: federalni ministar).

Sticanjem, odnosno gubitkom uvjeta za naziv univerzitetska bolnica, ne prenose se osnivačka prava nad zdravstvenom ustanovom.

#### Član 10.

Postupak za dodjelu naziva univerzitetska bolnica pokreće upravni odbor bolnice.

Nakon donijete odluke upravnog odbora iz stava 1. ovog člana, bolnica podnosi zahtjev Ministarstvu radi izdavanja prijedloga za dodjelu naziva univerzitetska bolnica, a u smislu člana 104. stav 1. Zakona.

Uz zahtjev iz stava 2. ovog člana prilaže se:

- rješenje o ispunjavanju uvjeta zdravstvene ustanove izdato od nadležnog ministarstva zdravstva, kao i rješenje o registraciji izdato od nadležnog općinskog suda,
- dokaz o osiguranju prostora i opreme,
- prijedlog zdravstvene djelatnosti ili dijela zdravstvene djelatnosti za koji se izvodi nastava za fakultet/e,
- dokaz o ispunjavanju uvjeta utvrđenih u čl. 2, 3. i 6. ovog pravilnika,
- spisak stručnog kadra sa uređnom osobnom dokumentacijom uposlenika koji su u stalnom radnom odnosu u zdravstvenoj ustanovi ili dijelu zdravstvene ustanove koja podnosi zahtjev za dodjelu naziva univerzitetska bolnica i koji ispunjavaju uvjete iz čl. 5, 6. i 8. ovog pravilnika,
- odluka upravnog odbora bolnice iz stava 1. ovog člana,
- dokaz o uplati federalne takse,
- dokaz o uplati naknade za rad stručne komisije.

#### Član 11.

Po prijemu uređno dokumentiranog zahtjeva iz člana 10. ovog pravilnika, federalni ministar imenuje stručnu komisiju od najmanje šest članova.

Tri člana stručne komisije iz stava 1. ovog člana moraju biti iz reda eminentnih stručnjaka u zvanju specijaliste, odnosno subspecijaliste za oblast one grane medicine, stomatologije, odnosno farmacije za koju će bolnica obavljati nastavu, a tri člana stručne komisije moraju biti iz reda eminentnih stručnjaka u zvanju specijaliste, odnosno subspecijaliste iz drugih djelatnosti, a koje su usko vezane za djelatnost za koju se izvodi nastava u bolnici.

Sekretar stručne komisije iz stava 1. ovog člana je iz reda uposlenih u Ministarstvu.

#### Član 12.

Stručna komisija iz člana 11. ovog pravilnika dužna je u roku od 20 dana od dana prijema uređno dokumentiranog zahtjeva sačiniti zapisnik i prijedlog za dodjelu naziva univerzitetska bolnica.

Stručna komisija odgovara za istinitost podataka navedenih u zapisniku iz stava 1. ovog člana.

Članovima stručne komisije pripada naknada čiju visinu rješenjem utvrđuje federalni ministar.

#### Član 13.

Konačan prijedlog za dodjelu naziva univerzitetska bolnica potpisuje i ovjerava federalni ministar u roku od 10 dana od dana prijema prijedloga iz člana 12. stav 1. ovog pravilnika.

Prijedlog iz stava 1. ovog člana služi u postupku dokazivanja ispunjenosti uvjeta za dodjelu naziva univerzitetska bolnica kod javnog univerziteta.

#### Član 14.

Nakon donijete odluke upravnog odbora bolnice iz člana 9. ovog pravilnika, bolnica podnosi zahtjev fakultetu radi izdavanja mišljenja o dodjeli naziva univerzitetska bolnica, a u smislu člana 104. stav 1. Zakona.

Uz zahtjev iz stava 1. ovog člana prilaže se:

- rješenje o ispunjavanju uvjeta zdravstvene ustanove izdato od nadležnog ministarstva zdravstva, kao i



- rješenje o registraciji izdato od nadležnog općinskog suda,
- dokaz o osiguranju prostora i opreme,
- prijedlog zdravstvene djelatnosti ili dijela zdravstvene djelatnosti za koji se izvodi nastava za fakultet/e,
- dokaz o ispunjavanju uvjeta utvrđenih u čl. 2, 4, 5. i 6. ovog pravilnika,
- spisak stručnog kadra sa urednom osobnom dokumentacijom uposlenika koji su u stalnom radnom odnosu u zdravstvenoj ustanovi ili dijelu zdravstvene ustanove koja podnosi zahtjev za dodjelu naziva univerzitetska bolnica i koji ispunjavaju uvjete iz čl. 5, 6. i 8. ovog pravilnika,
- odluka upravnog odbora bolnice iz stava 1. ovog člana,
- dokaz o uplati federalne takse,
- dokaz o uplati naknade za rad stručne komisije.

#### Član 15.

Po prijemu uredno dokumentiranog zahtjeva iz člana 14. ovog pravilnika, dekan fakulteta imenuje stručnu komisiju od najmanje šest članova koju čine eminentni stručnjaci iz reda naučno-nastavnog kadra fakulteta zdravstvenog usmjerenja odnosno srodnih fakulteta u djelatnostima za koje se obavlja nastava u bolnici.

Sekretar stručne komisije iz stava 1. ovog člana je iz reda uposlenih fakulteta.

#### Član 16.

Stručna komisija iz člana 15. ovog pravilnika dužna je u roku od 20 dana od dana prijema uredno dokumentiranog zahtjeva sačiniti zapisnik i prijedlog mišljenja za dodjelu naziva univerzitetska bolnica.

Stručna komisija odgovara za istinitost podataka navedenih u zapisniku iz stava 1. ovog člana.

Članovima stručne komisije pripada naknada čiju visinu rješenjem utvrđuje dekan fakulteta.

#### Član 17.

Konačno mišljenje za dodjelu naziva univerzitetska bolnica razmatra i usvaja naučno-nastavno vijeće fakulteta.

Mišljenje iz stava 1. ovog člana naučno-nastavno vijeće dužno je donijeti u roku od 10 dana od dana prijema prijedloga mišljenja iz člana 16. ovog pravilnika.

Mišljenje iz stava 1. ovog člana služi u postupku dokazivanja ispunjenosti uvjeta za dodjelu naziva univerzitetska bolnica kod javnog univerziteta.

#### Član 18.

Nakon pribavljanja prijedloga Ministarstva i mišljenja fakulteta, bolnica podnosi zahtjev nadležnom javnom univerzitetu za dodjelu naziva univerzitetska bolnica.

Uz zahtjev iz stava 1. ovog člana podnosi se sljedeća dokumentacija:

- rješenje o ispunjavanju uvjeta zdravstvene ustanove izdato od nadležnog ministarstva zdravstva, kao i rješenje o registraciji izdato od nadležnog općinskog suda,
- dokaz o osiguranju prostora i opreme,
- prijedlog zdravstvene djelatnosti ili dijela zdravstvene djelatnosti za koji se izvodi nastava za fakultet/e,
- dokaz o ispunjavanju općih i posebnih uvjeta utvrđenih u čl. 3, 4, 5. i 6. ovog pravilnika,
- spisak stručnog kadra sa urednom osobnom dokumentacijom uposlenika koji su u stalnom radnom odnosu u zdravstvenoj ustanovi ili dijelu zdravstvene ustanove koja podnosi zahtjev za

- dodjelu naziva univerzitetska bolnica i koji ispunjavaju uvjete iz čl. 5. i 8. ovog pravilnika,
- odluka upravnog odbora bolnice iz člana 9. ovog pravilnika,
- prijedlog Ministarstva iz člana 13. ovog pravilnika,
- mišljenje fakulteta iz člana 17. ovog pravilnika,
- dokaz o uplati federalne takse,
- dokaz o uplati naknade za rad javnog univerziteta.

#### Član 19.

Po prijemu uredno dokumentiranog zahtjeva iz člana 18. ovog pravilnika, kao i njegove ocjene u pogledu ispunjenosti uvjeta utvrđenih članom 104. Zakona, odredbama ovog pravilnika, te odredbama propisa o visokom obrazovanju i propisa o naučno-istraživačkoj djelatnosti, rektor donosi rješenje kojim bolnici dodjeljuje naziv univerzitetske bolnice ili rješenje kojim se odbija podnijeti zahtjev.

Rješenje iz stava 1. ovog člana upisuje se u registar univerzitetskih bolnica Federacije koji vodi javni univerzitet.

Kopija rješenja iz stava 1. ovog člana se po službenoj dužnosti dostavlja Ministarstvu i fakultetu.

Rješenje iz stava 1. ovog člana izdaje se sa rokom važenja od pet godina, računajući od dana konačnosti rješenja.

Rješenje donijeto u smislu stava 1. ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.

#### Član 20.

Ako tokom obavljanja funkcije univerzitetske bolnice, nastanu promjene u vezi ispunjavanja kriterija, odnosno uvjeta na osnovu kojih je izdato rješenje o dodjeli naziva univerzitetska bolnica, bolnica je obavezna o navedenim promjenama obavijestiti javni univerzitet, kao i Ministarstvo, i to u roku od 90 dana od dana nastupanja promjene.

U slučaju iz stava 1. ovog člana, bolnici koja više ne ispunjava uvjete za naziv univerzitetska bolnica utvrđene ovim pravilnikom, rektor rješenjem ukida dodijeljeni naziv univerzitetska bolnica i prije isteka roka od pet godina na koje je rješenje izdato.

Rješenje iz stava 2. ovog člana upisuje se u registar univerzitetskih bolnica Federacije koji vodi javni univerzitet saglasno članu 19. ovog pravilnika, a kopija rješenja se dostavlja Ministarstvu i fakultetu.

#### Član 21.

O dodijeljenim i ukinutim nazivima univerzitetska bolnica, javni univerzitet vodi poseban registar.

### III - OBAVEZE UNIVERZITETSKIH BOLNICA I FAKULTETA ZDRAVSTVENOG USMJERENJA

#### Član 22.

Nakon sticanja naziva univerzitetska bolnica iste su obavezne sa fakultetom za koji izvode nastavu sklopiti ugovor o međusobnim pravima i obavezama u vezi izvođenja nastave.

Ugovor iz stava 1. ovog člana podliježe saglasnosti federalnog ministra i federalnog ministra za obrazovanje i nauku, a u smislu člana 104. Zakona.

Ugovor iz stava 1. ovog člana bolnice dostavljaju Ministarstvu, a fakulteti nadležnom ministarstvu za obrazovanje.

#### Član 23.

Univerzitetske bolnice dužne su jednom godišnje podnijeti pismeni izvještaj nadležnom javnom univerzitetu o pedagoškim, stručnim i naučnim uvjetima za izvođenje nastave na I i II ciklusu studija.

Javni univerzitet iz stava 1. ovog člana obavezno izvještava Ministarstvo koje univerzitetske bolnice iz stava 1.



ovog člana nisu podnijele pismeni izvještaj do 31. decembra tekuće godine.

#### Član 24.

Postupak za dodjelu naziva univerzitetska bolnica obnavlja se svakih pet godina saglasno odredbama Zakona i ovog pravilnika.

### IV - PRELAZNE I ZAVRŠNE ODREDBE

#### Član 25.

Kliničke ustanove koje su bile nastavna baza fakulteta, saglasno ranijim propisima koji su uređivali ovu oblast, stupanjem na snagu ovog pravilnika, dužne su usaglasiti svoju organizaciju i poslovanje sa odredbama ovog pravilnika u roku od 12 mjeseci od dana stupanja na snagu istog.

Do isteka roka iz stava 1. ovog člana, ostaju na snazi rješenja o odobrenju obavljanja nastave, odnosno ugovori zaključeni sa fakultetima, a koja su izdata i zaključena na osnovu ranijih propisa koji su važili prije stupanja na snagu ovog pravilnika.

#### Član 26.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-6010/12

27. septembra 2012. godine

Sarajevo

Ministar

Prof. dr. **Rusmir Mesihović**, s. r.

Na temelju članka 105. stavak 1. i članka 236. stavak 1. alineja 17. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva, uz suglasnost federalnog ministra za obrazovanje i znanost, donosi

### PRAVILNIK

#### O UVJETIMA KOJE MORAJU ISPUNJAVATI BOLNICE ZA DODJELU NAZIVA SVEUČILIŠNA BOLNICA

### I - OPĆE ODREDBE

#### Članak 1.

Ovim pravilnikom utvrđuju se uvjeti koje moraju ispunjavati bolnice za dodjelu naziva sveučilišna bolnica na teritoriji Federacije Bosne i Hercegovine (u daljem tekstu: Federacija).

#### Članak 2.

Bolnice ili njihov dio koje izvode nastavu na temelju nastavne potrebe fakulteta zdravstvenog usmjerenja (u daljem tekstu: fakultet) su: klinika, sveučilišno-klinička bolnica, odnosno sveučilišno-klinički centri (u daljnjem tekstu: sveučilišna bolnica).

Iznimno od stavka 1. ovog članka, dio nastave koji se odnosi na obiteljski medicinu, djelatnost službi u zajednici, javnog zdravstva, medicine rada, bolesti ovisnosti izvodi se u zavodima za javno zdravstvo, zavodima za medicinu rada, zavodima za bolesti ovisnosti i domovima zdravlja koji ispunjavaju uvjete propisane Zakonom o zdravstvenoj zaštiti ("Službene novine Federacije BiH", broj 46/10) (u daljem tekstu: Zakon).

#### Članak 3.

Sveučilišna bolnica može biti samo ona zdravstvena ustanova koja:

- provodi vrhunski stručni rad u tercijarnoj zdravstvenoj zaštiti,
- kreira i izvodi dio nastavnog procesa na I i II ciklusu studija unutar implementacije Bolonjskog procesa za stjecanje praktičnih znanja i vještina u organizacionim jedinicama grupacije medicinskih

znanosti javne visokoškolske ustanove, odnosno nastavna je baza fakulteta,

- ima postignute znanstvene i stručne rezultate u zemlji i inozemstvu u primjeni, praćenju, proučavanju i unaprjeđenju registrirane djelatnosti za koju/koje obavlja nastavni proces,
- provodi znanstveno-istraživačku djelatnost u djelatnostima za koje je registrirana, odnosno u djelatnostima za koje obavlja nastavu,
- obavlja kontinuirane aktivnosti na unaprjeđenju institucionalnog i programskog osiguranja i upravljanja kvalitetom nastave i nastavnih funkcija, suglasno propisima o visokom obrazovanju,
- ima dokazanu suradnju sa uglednim ustanovama iste stručne oblasti u inozemstvu ili međunarodnim ustanovama kroz razmjenu stručnjaka, zajedničke programe, zajedničko osiguranje kvalitete, mobilnost stručnjaka, nastavnika i studenata, ili druge vidove suradnje,
- ima dokazanu kontinuiranu uspješnost u znanstvenom i stručnom radu realizacijom znanstvenih i stručnih projekata putem nadležnih državnih i federalnih ministarstava ili međunarodnih projekata,
- nastavi daje istaknuto mjesto u okviru svoje registrirane djelatnosti.

#### Članak 4.

Opći uvjeti za izvođenje nastave u sveučilišnoj bolnici su:

- nastavna potreba za obrazovanjem zdravstvenih djelatnika visoke stručne spreme, odnosno obavljanje nastavnog procesa na I i II ciklusu studija,
- stručna djelatnost prema zahtjevima suvremene medicine, stomatologije, farmacije,
- u sudski registar upisano obavljanje znanstveno-istraživačke djelatnosti i obavljanje djelatnosti u oblasti visokog obrazovanja,
- potreban prostor i oprema za nastavnu djelatnost prema zahtjevima za izvođenje nastave, i sukladno Odluci o standardima i normativima za oblast visokog obrazovanja u Federaciji,
- medicinska biblioteka i bibliotekar u radnom odnosu i/ili dostupnost bazama podataka na Internetu 24 sata dnevno.

Opći uvjeti za obavljanje nastave i znanstveno-istraživačke djelatnosti u sveučilišnim bolnicama određeni su propisima iz oblasti visokog obrazovanja, kao i propisima iz znanstveno-istraživačke djelatnosti.

#### Članak 5.

Posebni uvjeti za izvođenje nastave u sveučilišnoj bolnici su:

- a) normiranje rada u nastavi:
  - pedagoški standardi o veličini nastavnih grupa za pojedine oblike nastave u odnosu na raspoloživi prostor određuju se sukladno propisima o visokom obrazovanju,
  - optimalan sastav nastavnih grupa prema kriterijima fakulteta.
- b) stručni uvjeti:
  - odgovarajuća razina stručnog rada, te uvezivanje stručnog i znanstveno-istraživačkog rada,
  - redovito stručno usavršavanje zdravstvenih djelatnika,